





東江集鈔卷之四

仁和沈謙去矜著

長樂郭  
張錄西  
請是本

門人張台柱砥中較  
男聖曜御和

七言律詩

遊飛來峰

金庭窈窕削芙蓉玉乳幽探島路重行近青霄防駭  
馬坐愁白晝起蟠龍洞藏蘿燭生春霧月對巖扉出  
暮松草綠花香迷去住神僊咫尺豈難逢

新柳

大堤一夜有長條冉冉輕黃拂畫橋着雨漸如京尹  
黛臨風纔學楚宮腰曾經繫馬情空切依舊啼鴉恨



東江集鈔 卷四  
不消惆悵汴河零落處那堪重問廣陵潮

宿長春宮

琳宮寂寂啓窓紗誰把瑤笙弄月華  
春冷鶴棲珠樹雪夜深風掃石壇花  
天門北望來真氣海色中宵見  
曉霞欲覓長生知有地豈須句令采丹砂

送王氏歸歙

墻東高士愛長生江上提囊久避名  
見月每憐新句好登樓猶有故園情  
花開白嶽雲常護家近烏聊水  
至清歸到洞天逢雨雪故人何處寄黃精

題西山精藍贈昭上人

宿雨晴雷開佛堂山花水葉曉蒼蒼  
捨搖鈴鐸空中語旛結爐烟靜裏香  
閒坐熟梅時打帽春眠野筍忽  
穿牀浮塵擾攘真何意只合噉棲近鴿王

震澤眺望

湖光千頃對斜曛隱見三州望裏分  
朔氣自蒸天目雨秋風不散洞庭雲  
橫琴坐嘯龍應下岸幘相看酒  
半醺何日扁舟沙草外可知鷗鷺是吾羣

送董生幕舒州

官亭隱隱暮潮生何處臨岐最愴情  
日落我憐公瑾墓花開君到呂蒙城  
三春臥理青樽在後夜相思北



鴈鳴聞說江邊多寇盜不妨儒服暫論兵

祝開美孝廉疏救劉念臺中丞歸晤予湖上

北極巍巍上帝尊書生一疏抗金門百年社稷推高  
望此日江湖亦至恩匹馬烟塵空白首孤舟風雨自  
黃昏相看不厭山杯罄世事休將醉後論

錢唐江觀潮

開襟遙睇大江臯八月秋風正怒號蜃氣南生漁浦  
暗潮聲西上釣臺高猶憐古壑沉飛弩誰向寒沙灑  
濁醪吳越興亡纔轉眼勳名此日媿吾曹

答歸安吳旦生遊平泉見贈

吳興才子惜華年惠我新詩又幾篇彩筆千人看白  
雪珠林一白道瀉紅泉臥當臺殿清鐘斷行伴漁樵落  
日偏莫謂子期今世少如君流水最堪憐

臘日雨中

寒色淒淒照酒杯擁裘吟眺重徘徊江梅雪後花初  
見山市春前雨不開平子多愁催鬢髮馬卿長病臥  
蒿萊更憐書札歸鴻斷極目黃雲畫角哀

丁素涵出新製相示

公子多愁美少年曾調白雪譜紅絃不誇陶令閑情  
賦已就陳王薄命篇絲布丈餘猶未匹玉環千轉却



相連漫將綺麗傷人意南浦銷魂正黯然

寄內

玉勒非關愛遠遊金閨應自望刀頭久知德曜從梁  
氏好與盧家字阿侯碧落風高還跨鳳絳河秋近想  
牽牛陽臺此日朝雲散不用迴文夜夜愁

同吳錦雯飲丁弋雲宅看桂花時飛濤留婺州  
小山秋色掩蒼苔賓客誰令入坐來竹葉好看杯底  
綠桂花疑在月中開人逢南國皆吳俊調發陽春愛  
楚才忽見西風鴻影斷故人長滯子陵臺

別憶

金谷何人咏懊儂指穿絲布正難縫橫波可記來時  
路障扇應羞別後容銀燭夜闌吹白鳳錦茵春暖蹙  
烏龍綠華輕舍羊權去腸斷蓬萊一萬重

冬日同柴虎臣毛稚黃登吳山望江

開樽殘雪滿山家携手登臺感歲華江濶晴雲生遠  
樹天青野火照平沙三年淚灑寒城暮千里心懸落  
日斜我醉欲歌君莫去溪亭處處有梅花

寄馮茂遠徵君

憶爾田居枕碧流愛眠春草對沙鷗生平不負陶潛  
興此日真從惠遠遊桂發未妨仍咏賦月明何處更



東江集 卷四  
登樓十年知已堪回首心逐東湖漫漫愁

初夏寄毛稚黃丁飛濤

疎雨滄江隱暮雷故人天畔重徘徊經時臥病東風  
歇一夕相思蕙草摧琴曲已成流水引山居應傍白  
雲隈杖藜日斷雙峰遠長日何堪獨舉杯

答張祖望醉中見贈

急雨吹花湖水濱忽看書札報東隣經春憐我思公  
子累日知君中聖人久客登樓徒咏賦誰家吹笛共  
沾巾過江鳳德吾衰甚相對壺觴莫厭頻

茗溪晚泊

短棹沿流繫落暉水雲遙望晚霏微經時雨足河菱  
熟八月風高稻雀肥衰髯不堪頻旅食孤舟此日憶  
秋衣五湖沙草年年綠那得浮家傍釣磯

春夜郎季子鍾師夏集予延賞樓

花裏逢君酒重沽強令今夕盡歡娛城連戍火江雲  
白樓帶春星夜色孤異日風流仍此地百年搖落見  
吾徒也知交結惟君在掌上龍精劍有無

太湖別業

高齋蘿薜鎖烟霞延眺真堪老歲華過客楊亭時載  
酒諸郎彩筆自生花窓開震澤蒼波湧樓對菰城落



日斜滿目琴書殊不惡總憐遊子滯天涯

桐鄉鳳鳴寺避暑同趙子賦

碧水蕭蕭繞寺臺喜君逃暑更追陪驚看樓閣諸天  
聳誰見梧桐五鳳來坐久城頭銜落照醉餘花外隱  
輕雷故應高枕慚彭澤何處天涯不可哀

樓居卽事

湖上高樓近鳥巢歲除乘暇瞰東郊江城入暮烟嵐  
重花柳迎春雨雪交閉戶雙樽傾竹葉無人三徑翳  
藤梢著書敢道楊雄宅遊客何心撰解嘲

圓教寺

暇日扶筇小徑迷寺門搖落萬峯西洞雲入竹僧長  
定山雨催花鳥亂啼野興豈辭泥活活禪心頻見草  
萋萋誰言地僻遊踪少我輩憐春酒共携

秋日得祝慎庵先生山東書

衡門秋草已斜曛忽報緘書憶故羣旅食中原愁朔  
吹思家南國見浮雲人堪玩世真誰讓客有談天可  
再聞宋玉未能陳九辨幾時歸到更論文

挹芝堂夜集同張祖望暨諸子姪賦

嬌絲豪竹鳴夜絃肥苻韭花陳滿前搖落經時少歡  
聚咄嗟諸孫皆壯年雙炬閃閃梧竹冷孤鴻嘈嘈風



東江集金 卷四  
雪連人生惜別終一別今宵傾樽須醉眠

送龐襄臣還松陵

西陵遊子憶蘓臺不盡驪歌酒一杯沙柳亂鶯亭候  
出芳洲疎雨布帆開十年容鬢添愁思此日江湖見  
賦才倘過龐山休眺望暮雲隣笛總堪哀

西山尋拙公

昨夜雨聲曉沒堤着屐叩庵來崦西巢枝嫋嫋乳鵲  
噪澗戶陰陰桐葉齊春泉燒竹初試茗暮山吐雲旋  
杖藜金仙不禮緣底事此處寧復憂輪蹄

和登金山眺望

北固春遊雨雪連却尋樵徑躡諸天金銀臺閣風濤  
裏吳楚帆檣睥睨前地闊古今誰復在天分南北此  
孤懸憑高莫咏登樓賦城闕蒼蒼倍黯然

東塋春望卽漢朱買臣葬處

郡樓東去下征帆三月風暄解客衫初地碧湖金相  
出浮圖白日火珠銜怡情只合親杯酒洒涕無端叩  
劍函窮達此生常自晒墓亭雙燕語呢喃

吳錦雯席上送劉望之還宣城

劉生別我宣城去赤日還鄉雙鬢華寒暑祗應隨世  
運乾坤何處是吾家當筵山酒沉沉綠媚客盆荷宛



宛斜莫負牽裾賢主意請看城樹已昏鴉  
喜毛稚黃過尋卽席有作

客至茅堂正小春相携三徑往來頻沙晴冬筍能穿  
雪日暖遊蜂特向人詞賦久知皆友益盤餐如此見  
吾真淹留共秉西窓燭酒罄牆頭問比隣

雪霽寄稚黃

去歲嚴冬汝出城草堂燒燭待鷄鳴祇應覓勝頻呼  
醉無那相逢又送行日照簷花猶凍雪風喧江路已  
聞鶯蓋雲新製能携贈共賞東湖爛熳晴

遊惠力寺

西山寺閣鎖寒烟吟眺逢春春可憐花發綺羅嬌色  
界日高鐘鼓動諸天巖門坐對千重樹洞壑晴飛百  
道泉南北舟車來往劇可容禪榻醉中眠

大雪酒會

東湖寒色上征袍邀客登樓貫濁醪縱目共知情慘  
淡賞心吾欲興麤豪迢迢古塞黃雲合莽莽重山白  
雪高照夜却須燃蠟炬不妨沉醉曉鷄號

過霏玉軒弔徐襲祥別駕

晴雪紅桃開小園總帷雙燭淚潺湲飄零此日都誰  
在憔悴如君詎忍言禪寂雨花懷淨土書成霏玉但



空軒門前寶鼎今無色腸斷平湖白鳥翻

夜感

黯黯銀燈隔絳紗粉香零落怨琵琶子規夜冷空啼  
血楊柳春殘強作花淚灑山丘雲自出竟歸關塞月  
初斜淒涼舊事憑誰問潘令愁多鬢有華

祖望北遊有寄

關門書札塞鴻過山館春來長薜蘿客自風塵悲白  
髮天教南北限黃河愁登碣石寒雲斷夢返秦亭雨  
多少小共矜千里志不堪詞賦久蹉跎

晚過廣嚴寺悼馬侯玉

孤館重經菊已殘婆娑雙樹倚禪關鴻偏北向時逢  
雪日欲西沉故滿山此地論詩真死別幾人流寓得  
生還憐君面上三年土吹過青霜草色斑

寄禦兒勞荀日

春日驪歌不可聞眼看徂暑尚離羣語亭花暝寒生  
月鴛渚風多晚更雲莫恠鳳衰偏縱酒誰堪虎變復  
論文新來嬾奏高山曲冷落金徽却爲君

春夜妓集卽席戲贈妓越人也將之吳門

今知南國有佳人巧扇停歌掩絳脣賞月樽罍元達  
曙過江梅柳會爭春爲雲倦脫蜻蜓帽背燭偷題翡



東江集金 卷四  
翠巾明日太湖烟水濶青苔閒殺浣紗津

贈李渭師因悼其弟荀若

縣城斜日下征鞍昔別何方此合歡塚墓隔年重雨  
露文章憐汝更波瀾吾生冉冉老將至花事匆匆春  
又殘十載不操流水曲月明今夕爲君彈

過呂仲音山林

晴日移舟問隱淪林居元傍禦兒津十年松菊欣逢  
汝到處鶯花惱殺人荒圃經營堪抱膝小堂吟歎欲  
沾巾可憐隔世簫聲遠巖洞陰陰蔓草春

夜集兄子聖治宅賞菊

幔卷東堂把袂歡清霜微月不知寒人吹玉笛增秋  
思火照金花耐醉看九日天陰情倍苦一樽泥滓會  
俱難當筵好盡吾曹興莫遣驪歌唱夜闌

謁錢王祠

草滿朱門玉殿幽當時提劍定南州百年王氣空祠  
廟八月晴湖照冕旒越樹霜黃千嶺合吳天峰斷白  
雲秋開疆納土須臾事滾滾潮聲日夜愁

早春同金振公遊北山

路繞陰厓不易攀冰泉新坼聽潺湲日晴野竹猶停  
雪風起春沙正滿山勝集自憐心欲醉重來人訝鬢



俄斑聞鐘更訪安禪侶坐久深知物外閒  
過冰谷泉尋郭伯翼太學山舟故址

太學荒園野渚濱草花零落又逢春溪田茅屋皆新  
主水色山光見古人隔世鶴形終自化盛時龍性亦  
難馴我來徒倚空揮涕頭白衣緇媿隱淪

元夕

碧天華月下虹橋春宴江樓凍欲消萬里烟花無畫  
夜千門燈燭傍雲霄歌憐宛轉香輪隘人共嬋娟帶  
水遙良會易終須盡醉漏深還奏赤鸞簫

溪行卽事

溪雲漠漠幾人家倚杖臨風草徑斜二月餘寒猶作  
雪亂山新鳥欲啼花獨行見竹扉重叩覓醉無錢酒  
自賒容髡亦知憔悴久不將流水照霜華

過雲法師精舍

咫尺精藍宿雨收牡丹開過始來遊可知國色都成  
幻誰道春風不解愁坐樹黃鸝聲恰恰出墻新竹翠  
修修百年幾度乘心賞擾攘風塵易白頭

暴雨雷電

入夏尚淺熱太甚忽作狂風擁黑雲四月桑麻俱暢  
茂二儀雷雨故氤氳榴開小圃堪增色鷗聚圓沙各



有羣霑灑不愁茅棟濕太湖微赤又斜曛

同勞荀日過西山佛廬

南村沿路水淙淙坐看松雲抱佛幢斷壑野禽時啄  
木秋田寒雨夜連江僧供玉茗香初泛客對金花影  
自雙才子可憐新放逐却輸高枕臥山窓

早冬出郊

西嶺冬暄策杖頻路迴庵迴不逢人濕衣空翠元非  
雨映水寒花忽借春餘粒未堪馴鳥雀幽居真欲離  
風塵呼朋暇日乘心賞天地能容物外身

贈開封王鍊師

瓢笠南遊老鍊師看雲終日坐吟詩且須縱酒襟懷  
濶莫恠還丹歲月遲塵外笑吾霜點鬢雪中驚爾汗  
交頤相聞更欲朝衡嶽采得黃精倘見遺

送顧與仁胡采叔之江西

愁君夜渡北風寒執手河梁話別難章貢遠從天畔  
合匡廬偏耐雪中看船迴苦竹生空澤書就春鴻過  
急湍縱是賞音岐路有向人流水莫輕彈

十六夜

千門炬燭噪林鴉佳節纔過典轉賒人醉月中傳竹  
葉風高燈裏落梅花陰晴天意元無定憂樂吾生亦



有涯小小熟遊歌舞地兒童休訝髻添華

題袁令昭先生虹橋新曲兼呈王阮亭使君

幔亭仙史老逾狂爭唱新歌繞杏梁自有賞音同蔡  
氏何煩顧誤屬周郎月臨淮水蓮俱白春到隋堤柳  
正黃此集千秋傳勝事赤欄依舊俯鴛鴦

賦得西湖柳

柳洲亭外水平沙楊柳牽風樹樹斜拂地故垂金萬  
縷蒙天俄見雪千家門前夾路通春騎帳底停燈噪  
晚鴉極目蕭條遊客散靈和應解惜年華

劉氏別業送周叔文之永嘉命北山之薊門

劉家園閣對西峯二妙幽期此再逢衰髯不妨增意  
氣客懷全賴豁心胸水芹入饌和鹽豉山鳥銜花趁  
蜜蜂鴈蕩燕雲同把別莫辭吟醉且從容

寄宋客周

春蘿寂寂裊裙裾顧况臺前自結廬風賦到今纔見  
爾雲山何處不愁予頌成濁酒羣花發書報雙鴻落  
日疎聞道破川多勝事買隣從此莫躊躇

春晴戴六吉巖君歿胡子靜過訪

草堂元得避喧嘩勝友過尋日未斜客換春衣頻載  
酒鳥逢寒食共啼花古琴流水堪深賞彩筆干雲莫



浪誇越嶠孤城真偶聚流連休問後棲鴉

懷景宣客太倉

自別旗亭雪滿舟到今相憶幾登樓洞庭雲起山容  
變婁子江清月色秋囊裏綠琴堪對語樽前華髮更  
何求弁山千古風流地花木蕭森暮轉愁

送吳允哲之蘇州吳有白雪樓劇

三年作客困泥塗歌罷梁鴻又適吳莫恨比隣成契  
濶須知吾道本崎嶇花開溪上尋香水月出城南見  
太湖想得新詞驕白雪金昌春色未模糊

吳興懷古

郡閣凌空敞夕陰西吳形勢鬱蕭森孤城雪盡龍蛇  
動廢苑春生草木深詞賦休文矜雅贍風流逸少喜  
登臨獨憐後至終湮沒禹踪茫茫自古今

過長興弔徐子與先生

獨客憑高憶昔賢故鄣回首興凄然溪流菴畫冰霜  
後山斷鳥瞻睥睨前此地已難尋舊宅中原寧復有  
新篇齊名一日真千載歷下琅邪並可憐

登湖州峴山

高臺獨上朔風悲雪淨湖天極望時地是春申餘霸  
氣山疑羊祜益愁思醉驚塔火杯中出閒指帆檣鏡



東坡全集 卷四  
裏移忽憶魯公觴咏日赤厓磨滅想雄辭

月華寺同洪昉思作

古殿崩摧徧白茅雨淋龍象尚包然客心日晚驚狐  
火佛髻年深戴鴿巢寂寞塵沙悲世遠蒼茫雲雪待  
春交膽鳥接翅歸飛急匝地藤枝罨竹梢

新歡曲

罨畫樓臺駐彩雲紫簫雙奏月紛紛東西蓮葉皆堪  
戲晝夜鴛鴦愛作羣語細不關防讀曲情深休擬織  
回文花香豈得如歡氣睡鴨從今罷夕熏

其二

鷄鳴羅帳隱燈光夢到溫柔似故鄉素足繫絲憐石  
屐朱唇含酒過沙糖枕前雲疊扶偏重鏡裏山青畫  
轉長白日妝成時對坐何須刻漏有心腸

其三

髻亂瑤釵鞞玉肩含羞無奈更纏綿口中生石疑皆  
妄屋裏安湖果見憐繡幙春來垂袖舞紫裙波暖隔  
花湔低聲竊笑荆王陋夢見朝雲託賦傳

其四

畫簾花雨變春陰柳色人情日夜深吳國鳳凰元比  
翼齊家松柏尚同心可憐此會方成匹相約今生莫



打金自是琴挑輕馬卓雪山雲月動悲吟

歲暮景宣再過中夜有作

歲除寒色照林扃喜見征車此再停江路梅花含凍  
雪池臺鳥鵲噪明星酒闌哀我狂歌發燭盡愁君旅  
夢醒共厭鳴鷄催曉別月中吹角亂山青

月夜草堂卽事寄張祖望

石瀨涓涓過草堂疎簾無寐夜焚香風吹野竹元非  
雨月照林花似有霜錦字三年猶未滅金刀千里鬱  
相望誰憐此際秦亭客靜理瑤琴不下床

崔子玉祠下作

通元高閣俯層峯花隱祠壇紫翠重列柏千年巢野  
鶴渡江當日見真龍經過野客頻相問享祀遺民豈  
盡供宋殿可憐俱泯滅夜深鐘磬出寒松

覽雲赤新詞兼懷吳允哲

潘岳情深奈爾何又彈瑤瑟譜新歌四時子夜傳應  
徧通國陽春和轉多玉樹隔江悲繡土彩雲終夕駐  
銀河佳人更憶闈門道暗拍紅牙水自波

人日飲趙山人寓

明道山人髯已華十年踪跡半烟霞酒沽村市貪留  
客門對江流不憶家自咏新詩驚落鴈誰憐彩筆競



秋蛇關前紫氣無人識倚杖看春日又斜

黃使君寓樓眺望

天都豪士愛南遊醉倚吳山百尺樓漫寫畫圖緣寄  
興俯看城郭可消憂湖清月出千家雪露冷簾空萬  
里秋極目燕雲何處是不妨琴劍且淹留

以所撰興福宮劇本授吳伶因寄伯揆商霖

玉簫金管自紛紛鳳吹鸞歌幾度聞曾見春前飛白  
雪敢言天上駐遊雲行杯綺席花爭發秉燭銀臺日  
未曛休說爨桐人不辨可憐垂老却逢君

晚同毛稚黃遊景星觀

峩峩仙觀倚層丘重過真成汗漫遊瑤草不知紅日  
晚乳泉長抱碧山流烟寒虎守千年藥客久人驚五  
月裘名在丹臺君不忝夜深笙鶴正堪留

七夕酬張玉書

徑翳藤梢咫尺迷喜逢車騎問幽棲星臨小閣明河  
轉雨過清江大火西夢遠誰貽紅錦段歌成爭唱白  
銅鞮臥龍橋外秋如水採得芙蓉手共携

徐子大寄鼎湖雪泛詩遙有此答

嶺梅香動臘初殘仙侶移舟興未闌雪後玉笙偏愛  
暖月中貂錦不知寒書來兩地空相憶賦就何時許



東江集金 卷四  
並看舒國風流誰繼武古臺烟草日波瀾

寄徐武令張砥中俞敷伯洪昉思兄弟

都樓寒望酒初醺憶得招携有數君萬樹江梅含凍雪兩峰晴日閃黃雲愁邊鴻鴈書難寄夢裏關山路不分裘馬翩翩俱自愛豈堪垂老更論文

山曉禪師重至佛日過訪有贈

都門昔日演三車來看江城雪後花松樹漸能過碧殿乳泉依舊繞金沙行逢勝地還宜住病覺浮生亦有涯石鼓千年今更叩何須博物待張華

佛日有石鼓師蜀人也

大觀臺秋集

清秋携手上重臺俯看江城對舉杯急雨正催新句就浮雲應自故鄉來臥龍此日無高望戲馬當年亦霸才滿地黃花人盡醉不知真爲阿誰開

登海會寺眺望

行盡吳峰路幾盤招提重此駐征鞍三江地轉人烟斷五月風吹佛骨寒醉後旅懷終鬱塞老來生事益艱難憑高不用添悲感雪浪朱旗萬里看

遊玉泉作

梵宮晴雪晃林丘病起扶筇憶昔遊當檻忽驚祗樹



老繞堦仍見玉泉流故知佛地饒清興豈意吾生歎  
白頭獨有金鱗如舊識銜花將去轉遲留

寄洪昉思

相憶高樓對朔風金臺裘馬正豪雄歌傳北里千門  
沸塵起東華十丈紅遠水暮寒垂斷柳亂山晴雪塗  
歸鴻不須薦達尋揚意賦就凌雲爾最工

韶公過訪不值兼呈費青埃祝同山

顯寧樓殿禮金仙不到青山已十年地迴下看雙樹  
合日高長見一燈懸竭來此度愁孤館西望何時共  
法筵聞說交情支許在萬峰春雪有新篇

寄諸虎男兼懷昉思

西湖携手卽天涯慧日峰前浪滾沙別後青蘋逢打  
鴨到時黃柳不勝鴉聞心閱世頭先白醉眼看春日  
未斜苦憶樽前人萬里可無消息問京華

贈雲間何鍊師何善畫墨梅

年少求仙上玉京桃花明月坐吹笙已知妙墨千秋  
在休問還丹幾日成芳草易牽孤客夢烟江不動故  
園情期君五嶽同携手偏向春風白髮生

擬唐人長安春望

春衣初試覺微寒有客平原立馬看地迴烟光搖渭



水雪晴山色滿長安愁添白髮功名薄欲近青霄道  
路難日暮宸遊歌吹發承恩闕下擁千官

東江集鈔卷之五

仁和沈謙去矜著

門人王升東曙  
男聖曆治民較

五言排律

登虎丘寺塔

地湧靈標出山懸覺路長烈風來震澤霽雪抱金闈  
頂合龍珠動簷高鳳翼張青鴛迴寶塹白日見燈王  
故苑荒臺廢空岩古劍藏寒登殊凜冽遙矚轉蒼茫  
奏角城雲斷憑欄海色黃迷川千里道時見玉毫光  
夏日遊景靈觀

蒸暑耽林樾凌晨叩葢宮五烟青嶂裏三洞白雲中



東江集 卷五  
鼎峙存金虎花深引玉童飛梁時灑雪陰井欲生虹  
息踵思還祕忘形道始崇卽如逢赤斧奚更訪崆峒  
沙茗甌中綠盆荷枕畔紅塵囂從此滌臺殿滿靈風  
春悶偶成戲次韓偓韻

光動三珠樹香飄五色芝坐愁傷別易立望恨來遲  
語密人難覺書沉事可疑碧桃堪解贈紅豆最相思  
鏡約重逢日珠留未嫁時雲華堆鳳髻山翠撲蛾眉  
惆悵欄頻倚嬌羞枕乍欹未須詒宋栗久已誤哀梨  
瑋瑁穿重甲珊瑚碎一枝幾經虛夜立不敢信秋期  
蓮子心中苦桑蠶腹內絲誰能寒舊約更與樂新知

閶門夜觀龍舟

閶闔天中啓艨艟水上行風高旗不偃月落火全明  
尾掉黃金動鱗開紫霧生綺羅猶競覩箏笛更悲鳴  
游戲芳時晚淒涼故苑情誰知有孤客倚棹聽嚴更  
同徐襲祥鮑芝蕃集鼎湖精舍

携杖堪逃暑精藍宿雨霑窮途同阮藉高興且陶潛  
方外心長愜人中禮不嫌荷香元抱枕竹翠欲遮簾  
野鴨雙雙沒遙峰箇箇尖病因憂歲晚貧不悔官廉  
菹筍隨時供搖蒲盡日淹客懷悲白眼僧臘驗霜顏  
湖水常參酒園梅少着鹽談空發深省落日興逾添



送友人北上

舊侶稀相見茲遊意若何黃雲趨碣石赤日渡滹沱  
遲暮心應在間關涕轉多談天聊駭聽據地莫悲歌  
旅髻塵中換流年醉裏過山川容汗漫詞賦好蹉跎  
魯酒深杯勸燕姬細馬馱相思如可寄莫厭故山蘿  
西山厝旦兒之柩

宿鳥衝人過秋花滿目繁亡珠心悵快埋玉涕潺湲  
弄物留空舍靈衣綴小旛無因成此禍有恨總難言  
松葉時飄冢藤枝自裊垣心驚持偈磬腸斷學書幡  
江竹生孫早秦烏哺子喧鍾情頭欲白寒日墮平原

飲鍾雪園信志堂

出郭春將晚留賓日已晡樽壘同北海樓閣俯南湖  
奕世文風盛傳家劍氣孤棲遲終此地流落愛吾徒  
髣髴驚俄變心期敢暫渝門閒厭車馬堂闢老楸梧  
安得綿憂斷能容酒態驪花畦還戲馬月榭更呼盧  
惜別天愁曙論交意轉孚功名千古事爛醉是雄圖

贈秦州王姬

新髻髮鬢鬢幽香豈菟含月華生海上春色到江南  
結綰鴛鴦帶花搖翡翠簪臥遊真恍惚立望轉嬌憨  
城豈名佳麗天疑入蔚藍玉池魚唯唯金索鳥喃喃



妙曲偏多誤幽期恐未諧小嬉時弄酒密坐夜分柑  
楚雨先愁歇秦花嬾再探牽情緣把袂惜別久停驂  
信誓非初七芳年已十三倘同劉碧玉偷嫁佩宜男  
奉輓祝慎庵先生

巨海迴潮急空山落日黃凌寒思執紼首路忽沾裳  
一夕文俱喪千秋道未亡生徒誰絳帳家學有青箱  
馬過州門苦松欹栗里荒雪風生冢樹沙月下茅堂  
隣笛悲嘹唳人琴竟渺茫典型如在眼高碣暮雲蒼  
夏夕竹林憶去年與二婦遲月于此

憶汝同遊賞涼生此夜過軒窓臨皎月鬢髻濕明河  
小倚榴榴枕徐添孔雀羅酒闌旋試茗燈照欲舒荷  
坐久寒金鴨愁生歛翠蛾嬾行猶帶病微笑不成歌  
豈悟吟晞露無端歎逝波畫簾虛想像芳澤已蹉跎  
烟化悲無極雲行夢若何斷釵憐小玉素襪感東阿  
秉燭音容隔援琴涕淚多竹堂遺挂在潘髯欲添皤  
夜集胡我生別墅賞菊

日落羣公集門開小徑斜百壺傳雪酒雙炬照金花  
月出仙人嶺秋偏處士家風條紅帶縮露葢碧簾遮  
坐冷燃香獸林昏噪落鴉樓臺饒水竹而我愛烟霞  
漏盡僮俱睡詩成客漫誇高踪追栗里聊此度年華



寄贈太倉張上隆納姬

貴閣傳妻子傾城覓館娃  
麗辭元喻海豪飲更如淮  
睡鴨薰羅帳盤龍骨寶釵  
蘭須徵妾夢蛟已入君懷  
皓臂寒無暑愁眉夕轉佳  
月華明水榭花爛隔雲階  
嬾種紅心草嬌嘶白鼻騮  
姓名珠斛重宮徵玉琴諧  
賦擬巫山曲情同洛水涯  
貫魚看潏潏將鳳咏啾啾  
秀自能供饌周偏不禁齋  
淑姿矜窈窕雅奏絕滄哇  
夜望星懸柳晨驚鵲噪槐  
爲描雙黛巧紅日上天街

五言絕句

半山雪泊

夜泊半山橋雪花大於掌  
客子愁不眠河冰齧船響

久客

久客西陵道蕭條愁殺人  
梅花昨夜發山縣又逢春

秋閨

促織鳴空房井覆梧桐黃  
手冷梭難擲金河定有霜

宿呂氏水亭

水簾燈欲滅誰知客心苦  
夜半聞魚跳涼風颯如雨

少年

十五稱遊俠琵琶入手成  
銀鞍金絡馬索酒不通名

春夜宿湖上



碧波亂青草欵乃驚水禽萬樹桃花月何來橫笛音  
陌上

陌上誰家女玉顏紅粉妝貪思昨夜夢斜日下春桑  
定香僧舍是孫宇台讀書處

孫子下幃處蕭條雙樹林請看初地月猶是故人心  
復愁

遣愁一何難復愁一何遽湘水杜若開欲采不得去  
周氏別業

巡樹趁鶯飛窺窓恠花密不知春已深冷然弄瑤瑟  
潘公閘觀漲

雷震西山裂官河水沸騰魚跳如滾雪半夜集船燈  
夜坐憶稚黃

名高避豈得愁劇病如何秋月期休負庭軒裊綠蘿  
夏夕叔度館中

浴罷起披衣無言對吾子風過玉琴鳴幽蘭香不止  
前山阻雨

逆風浪打船山暝黑雲壓昔人真好奇浮家愛若雲  
登法相寺

層巒如疊浪古寺欲凌空人攀青葛度佛在白雲中  
山居



小築青山下柴門不可尋  
桃花流水外有客聽鳴琴  
遇俠者

將市百金劍笑脫千金裘  
相逢無一語携手上青樓  
勸酒

美酒君莫辭杯來便當盡  
江水去不回風花又將隕  
其二

江流終不斷花落又還開  
憐汝今朝別何時得更來  
六言絕句

耘廬暮春  
曲曲虹橋偃渚修修綠竹  
過墻醉聽鶯啼花塢臥看

雲度溪堂  
其二

有琴我須再鼓無酒君當  
更携咫尺藤梢竹刺拚飛  
紫燕黃鸝

病中戲答徐正之

臥病長憐革帶傳書勸飲  
金莖誰知文子祈死還勝  
莊周養生

同江道行湖上

彩舟臨湖自買美酒畫地  
堪餘興過西園夜月竟銷  
南部烟花



東江集鈔 卷五  
七言絕句

送孫宇台

桑落初成滿甕香一樽纔盡又斜陽  
明朝馬上看秋色紅葉黃花總斷腸

嫦娥

碧海星明夜向晨玉樓秋近月中輪  
當年靈藥殷勤竊不信長生解誤人

閨人春怨

東方千騎擁彌弧錦帳誰憐夜夜孤  
依舊紅樓春色好每看花柳笑狂夫

春遊

流水桃花莫問春城西狹路起紅塵  
金釵但有當壚子白酒三杯醉殺人

吳宮詞

歌舞船中獨向隅手持荷葉淚沾襦  
浣紗慣看溪頭月今夜清光照太湖

晨登吳山詣三茅觀

白雲迴磴鎖金庭鐵鳳參差翳落星  
怪得鐘聲敲不住夜來燈火祀仙靈

月夜泊臯亭



孤舟乘月傍漁磯  
伏枕誰堪露濕衣  
一望千山渾似雪  
却疑身泛剡溪歸

寄太倉友人

湖上停舟幾度聞  
相思三載尚離羣  
愁心欲寄隨流水  
婁子江頭是白雲

春暮寄毛稚黃

豐樂橋頭酒易賒  
時時沉醉聽琵琶  
卽今苦憶西湖柳  
吹過春城雪萬家

朱生畫竹

朱生岸幘酒初醺  
寫作烟梢個個分  
蘇州辣酒黃如

柳湖州光絹白如雲

有感呈胡文休

一曲琵琶夜月孤  
三年芳草負西湖  
機中錦字都如舊  
不見桐花小鳳雛

答朱公是

落日悲歌悵獨眠  
驚聞白雪唱樽前  
人間若使鍾期少  
流水高山盡可憐

湖上尋夏樂只不值

西陵橋畔是君家  
坐久無人白日斜  
壁上素琴兼寶劍  
牀前菱葉間荷花



送張祖望之婁東

十載行吟祗敝裘一帆疎雨又東遊  
憐君懷裏珠如月不是隋侯肯亂投

送毛稚黃之禦兒

滿眼殘花渡水濱憐君岐路有風塵  
紛紛夾轂爭相問轉覺綈袍是故人

送陸冰脩沈寅工東還

臨平湖邊春水生石鼓山頭黃鶴鳴  
勸爾停船那不住江花偏動故鄉情

東園卽景

晴日鳴琴自掩關溪梅千樹水潺湲  
登樓渾似梁園夜面面開窓對雪山

懷祖望客烏鎮

澤國春殘老鶴呼客亭高枕見薜蘿  
月明雙塔休登眺一夜歸心滿太湖

送王氏還越

十里官亭春酒香片帆歸去背斜陽  
江南折柳吹橫笛何處登臨不斷腸

別馮徵君

平湖城頭風葉紅弄珠樓下繫孤篷  
湖鴈嘈嘈聽不



得羨殺丈人雙耳聾

春遊卽事

琵琶索絕撫秦箏高子何君調轉清春水有船俱載  
酒亂山無樹不啼鶯

送陸子

楊花風起不勝春送汝扁舟淚滿巾  
橋李城頭湖似鏡那堪長照別離人

贈宋客周

宋子遠遊詩益進提囊吾亦走天涯相逢一笑稱知  
已爛醉東風破口花

答程雨三惠扇

黃鳥交交柳色新題詩相憶轉相親懷中一片西湖  
月分得清光與故人

雨中集曹射侯

樓上開樽日暮留相看都媿少年遊憑欄莫問春多  
少細雨濃花總是愁

趙珍留歸自福建

自爾南遊旅興孤三秋搖落憶吾徒不知風雨延津  
夜留得雙龍劍在無

送揚聲條還寧波



東江集金 卷五  
揚生歸夢久蹉跎不怕寒霜夜渡河黃絹文章今屬  
汝爲予沽酒酌曹娥

其二

鐘響禪林幾度聞何顛學佛更能文憑君直指西來  
意皎月俄開雪竇雲

送旬華

問爾東行幾日回風暄長路有塵埃亦知此去多賢  
主更盡牽裾酒一杯

野泊

水繞藜祠月色紅竹橋烟暝繫孤篷斑鳩相喚不獨

宿門外菱花開野風

吳姬送別

半鞦雲鬢淚滿衣春申城外已斜暉無情最是苕溪  
水載得郎來又送歸

有感

腸斷經年却爲君風花昨夜又紛紛偷來夢裏渾難  
辨縱得相逢也是雲

其二

紅酒盈盈漾玉卮愁多無奈鬢成絲春光已到酴醿  
葉百舌何須恨子規



東江集金 卷五  
湖州竹枝詞

樓西月出夜迢迢金鴨香爐嬾再燒郎意不如天目  
水千迴還到駱駝橋

登覺王寺後古冢云是孫權小女葬處

誰見精靈掩夜泉土人猶記赤烏年我來淡月疎鐘  
後拾得金蠶盡化烟

送潘雲赤之德清

水國秋生夜有霜浮家憐汝各沾裳愁來莫看清溪  
月一曲菱歌似故鄉

湖邊女兒曲

湖邊女兒不解愁學梳鬆髻黑如油垂楊自是多情  
物一過春風便白頭

贈朱素月兼呈袁令昭先生

愛移青雀采芙蓉露濕雲鬟寶髻鬆腰細不勝羅綺  
重夜深還着白輕容

其二

一顧生春盡可憐倚窓時笑月娟娟廣寒宮裏秋如  
水學得長生祇獨眠

其三

誰遣新歌譜玉箏看花隔霧轉多情幔亭白髮三千



東江集 卷五  
丈那便風流讓後生

臨平竹枝詞

臨平山上草萋萋臨平山下日色低兒童莫打慈烏  
去正在丁家墓上啼

山西有丁蘭母冢

其二

安平冰谷水悠悠不管傷心日夜流那得雙泉俱變  
酒將他澆盡古今愁

寒夜戲贈昉思

天寒唧唧怪荒鷄不管孤村客夢迷喚醒挑燈重起  
坐始知人在萬峰西

送朱公是之廣東兼呈景宣錦雯二首

歲晚南遊幾日還郡亭楊柳不堪攀知君未減尋花  
興親到羅浮見雪山

新語從來重陸生隱之爲吏有廉名相逢一笑應呼  
酒半夜珠還月滿城

桃花

桃花零落半沾泥不待池塘草色齊柳絮何曾貪結  
子隨風飛過玉簾西

哭聖旭

小堂風急夜啼鴉燈照靈衣淚似麻面上三年春草



綠傷心猶憶醜桃花

西湖竹枝詞

綠柳紅桃夾酒船  
買歌買笑用金錢  
兩峯日夜多雲  
雨儂在孤山獨自眠

從軍行

秋月如霜滿戍樓  
前營歌舞夜椎牛  
寶刀五尺摩挲  
慣不管閨中少婦愁

青井

青井西頭落日斜  
一重簾幙卽天涯  
桃花底事無言  
語惱得黃蜂過別家

青井西頭落日斜  
一重簾幙卽天涯  
桃花底事無言  
語惱得黃蜂過別家



